

Frostfilm ehf.
Skiopholti 50d
105 Reykjavík

Vestmannaeyjum 1. apríl 2019
UST201903-255/P.V.B.
09.08.02

Efni: Umsókn um leyfi - Akstur utan vega

Umhverfisstofnun hefur móttækið umsókn Frostfilm ehf., dagsett 26. mars 2019, um leyfi til aksturs utan vega við Sólheimajökul.

Samkvæmt 1. mgr. 31. gr. laga nr. 60/2013 um náttúruvernd er óheimilt að aka vélknúnum ökutækjum utan vega. Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. ml. 2. mgr. 31. gr. laga nr. 60/2013, um náttúruvernd.

Lýsing verkefnis:

Til stendur að mynda fallhífastökvara koma inn til lendingar við Sólheimajökul. Af öryggisástæðum þarf að koma kerru með lítinn bát eða jetsky að lóninu framan við fossinn ef fallhífastökvarinn skyldi lenda í lóninu. Til að koma kerrunni að lóninu stendur til að keyra bíl, á stórum dekkjum, með kerru í eftirdragi 170 metra leið frá gamla bílastæðinu við jökulinn að lóninu. Leiðin sem farin verður er yfir urð, grjót og sand. Leiðin verður einungis keyrð einu sinni. Rakað verður yfir svæðið að tókum loknum. Að tókunum koma 20 manns. Gert er ráð fyrir að tókur fari fram síðdegis 1. og 2. apríl 2019 ef veður leyfir en til vara 3. eða 4. apríl 2019.

Áhrifamat:

Umhverfisstofnun metur að umræddur akstur eins og honum er lýst í umsókn muni ekki valda neikvæðum áhrifum á gróðurfar eða jarðminjar svæðisins, að því gefnu að aksturinn og framkvæmdin verði í samræmi við skilyrði leyfisveitingar. Stofnunin metur að aksturinn hafi óveruleg áhrif á upplifun gesta svæðisins en með því að takmarka þann tíma sem ökutækið verður við lónið megi draga úr áhrifum framkvæmdarinnar á gesti.

Skilyrði:

Umhverfisstofnun veitir fyrir sitt leyti leyfi fyrir akstri utan vega í tengslum við kvikmyndatökur við Sólheimajökul, eins og lýst er hér að ofan, 1. og 2. apríl 2019 og til vara 3. eða 4. apríl 2019 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Óheimilt er að sýna akstur bifreiðarinnar í mynd.
- Einungis skal aka bifreiðinni að lóninu og til baka aftur. Afmá skal öll hjólför utan vega að framkvæmdum loknum.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Forðast skal óþarfa rask og stærð framkvæmdasvæðis skal haldið í lágmarki.
- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfi landeigenda og/eða sveitarfélags gæti þurft fyrir verkefninu.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna á grundvelli 1. mgr. 92. gr. laga nr. 60/2013 um náttúruvernd. Gjald fyrir umsókn um akstur utan vega er kr. 39.400- sbr. 24. gr. a. í gjaldskrá Umhverfisstofnunar nr. 535/2015.


Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt



Hildur Vésteinsdóttir
Sviðsstjóri



Jón Smári Jónsson
Sérfræðingur